

# Ժողովուրդ

57  
(3266)

8 մայիսի ուրբաթ 2026  
տպագրության ԺԵ տարի

✉ ք. Երևան, Արվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՀԻՄՆԱԿԱՆ ՄԲՑԱԿԻՑԸ «ՈՒԺԵՂ ՀԱՅԱՍՏԱՆ»-Ն Է



Ինչպես վաղորոք հայտնել էր ԿԸՀ-ն, այսօրվանից՝ մայիսի 8-ից, մեկնարկում է նախընտրական քարոզարշավը: Հունիսի 7-ին սպասվող համապետական ընտրություններին մասնակցող 19 քաղաքական ուժերը այսօրվանից շրջելու են տարբեր համայնքներում՝ ներկայացնելու իրենց նախընտրական ծրագրերը, հիմնական նպատակները, գաղափարներն ու ռազմավարական ուղին:

Բոլոր սոցիալական հարցումները ցույց են տալիս, որ այս պահին առաջատար են 4 ուժ՝ «Քաղաքացիական պայմանագիր» կուսակցությունը, «Ուժեղ Հայաստան» կուսակցությունը, «Հայաստան» դաշինքը և «Առաջարկ Հայաստանին» քաղաքական ուժը:


Ակնհայտ է նաև այն, որ հունիսի 7-ին ՀՀ-ում իշխանավորության հասնելու ռեալ հնարավորություն ունի միայն ազգային բարերար Սամվել Կարապետյանի առաջնորդած «Ուժեղ Հայաստան»-ը, եւ բնական է, որ գործող իշխանությունը գիտակցում է այս վտանգը:

Այս ամենին զուգահեռ, Հակակոռուպցիոն կոմիտեն պարբերաբար ձայնագրություններ, գաղտնալուսումներ է հրապարակում, ըստ որի՝ «Ուժեղ Հայաստան» կուսակցության անդամները զբաղվում են ընտրակաշառքով:

«Ժողովուրդ» օրաթերթի իշխանական աղբյուրները հայտնում են, որ օր օրի գնալով ավելի է թեժանալու իրավիճակը՝ հաշվի առնելով նաև քարոզարշավի մեկնարկելու հանգամանքը: Նույն աղբյուրների փոխանցմամբ՝ այս շրջանում օր օրի Հակակոռուպցիոն կոմիտեն նոր գաղտնալուսումներ է հրապարակելու: Նման ակնարկ արել է նաև ԶՊ պատգամավորներից մեկը՝ լրագրողների հետ ճեպագրույցի ժամանակ հայտնելով. «Նոր գաղտնալուսումների ծայն կլսեք»:


Շարունակությունը՝ ArmLur.am կայքում

Մայիսի 8-ին Հայաստանում պաշտոնապես մեկնարկում է Ազգային ժողովի 2026 թվականի ընտրությունների նախընտրական քարոզարշավը, որը կշարունակվի մինչև հունիսի 5-ը՝ ներառյալ: ԿԸՀ-ի հաստատած ժամանակացույցով՝ քաղաքական ուժերը հենց այդ օրվանից ստանում են օրենքով սահմանված հավասար քարոզչական ռեժիմը՝ հանրային եթերաժամից մինչև հրապարակային հանդիպումների պաշտոնական մեկնարկ: Այս պահի դրությամբ քաղաքական ուժերի մեծ մասի կողմից մայիսի 8-ի մեկնարկային օրվա ամբողջական ծրագրերը դեռ հրապարակային չեն դարձել: Սակայն արդեն կան առաջին հստակ ազդակները, թե ինչպես է բացվելու քարոզարշավը: ԶՊ կուսակցությունը Նիկոլ Փաշինյանի գլխավորությամբ քարոզարշավը սկսելու է Սյունիքի մարզից: Մեր աղբյուրները փոխանցում են, որ ԶՊ ակտիվը երկու օր անցկացնելու է Սյունիքի մարզում, բոլոր վայրերում նախատեսել են լինել, շատ ակտիվ «լայվ» քարոզարշավ իրականացնել: Մենք տեղեկացանք, որ կրկին ավտոբուսներով են մարզ մեկնելու, եւ ողջ քարոզարշավի «բեռը» իր վրա վերցնելու է Նիկոլ Փաշինյանը:




Շարունակությունը՝ ArmLur.am կայքում

Երեկ հայրենի կառավարությունը մի ուշագրավ որոշում է կայացրել: Կառավարության նիստում քննարկվել է որոշվել է դադարեցնել Գրիգոր Արթուրի Հարությունյանին տրամադրված պարտադիր զինվորական ծառայության զորակոչից տարկետումը: Կառավարության որոշման նախագծի հիմնավորման համաձայն՝ նախաձեռնությունը մշակվել է «Ջինվորական ծառայության եւ զինծառայողի կարգավիճակի մասին» օրենքի 22-րդ հոդվածի 7-րդ մասի, կառավարության 2023 թվականի մարտի 23-ի N 383-Ն որոշման 12-րդ կետի, ինչպես նաև Հայաստանի ազգային պոլիտեխնիկական համալսարանի ռեկտորի 2026 թվականի մարտի 13-ի հրամանի եւ ՀՀ պաշտպանության նախարարության հանրապետական զինվորական կոմիտեի համապատասխան գրության հիման վրա: Հիշեցնենք, որ կառավարության 2024 թվականի օգոստոսի 15-ի N 1293-Ա որոշմամբ Գրիգոր Արթուրի Հարությունյանին՝ ծնված 2006 թվականի փետրվարի 22-ին, տրամադրվել էր տարկետում շարքային կազմի պարտադիր զինվորական ծառայության 2024 թվականի ամառային զորակոչից մինչև ուսումնառության ավարտը՝ 2028 թվականի ամառային զորակոչը:



Մանրամասները՝ ArmLur.am կայքում

Ամենայն հայոց կաթողիկոս Գարեգին Երկրորդի եղբայր Գեորգ Ներսիսյանն ու եղբորորդի Համբարձում Ներսիսյանը տնային կալանքից ազատ արձակվեցին: Նրանց հանդեպ սահմանվեց վարչական հսկողություն: Այս մասին հայտարարվեց դատական նիստի ժամանակ: «Շարունակական անազատության մեջ գտնվելու պայմաններում էականորեն նվազել է վերջիններիս կողմից ոչ պատշաճ վարքագիծ դրսևորելու ռիսկերը, այդ պայմաններում դատարանը գտնում է, որ տնային կալանք խափանման միջոցն անհրաժեշտ է փոխել եւ կիրառել վարչական հսկողություն: Դատարանը որոշում է մեղադրյալներ Գեորգ Ներսիսյանի ու Համբարձում Ներսիսյանի նկատմամբ կիրառված տնային կալանքը փոխել վարչական հսկողությամբ՝ պահպանելով մյուս խափանման միջոցները՝ կիրառված գրավն ու բացակայելու արգելքը», - հայտարարեց դատավորը: Հիշեցնենք, որ Գեորգ եւ Համբարձում Ներսիսյաններին մեղաազարկում է հանցանքի կատարում, որը նախատեսված է ՀՀ քրեական օրենսգրքի 211-րդ հոդվածի 2-րդ մասի 5-րդ կետով (մի խումբ անձանց կողմից՝ քարոզչություն կատարելու կամ քարոզչություն կատարելուց հրաժարվելու հարկադրելու կամ քարոզչություն կատարելու այլ կերպ խոչընդոտել): Նրանք կալանավորվել էին Վաղարշապատում «Հանրապետություն» կուսակցության համայնքապետի թեկնածու Հարություն Մկրտչյանի հաղորդման հիման վրա:



ՀԱՐՑԱԿՁՐՈՒՅՑ

«ՆԻԿՈՒ ՓԱՇԻՆՅԱՆԸ ԳՆԱԼՈՒ Է ՏՈՒՆ»

Armlur.am-ը գրուցել է ՀՀ ԱԺ «Հայաստան» խմբակցության ղապազմավոր Արթուր Խաչատրյանի հետ:

- Պարոն Խաչատրյան, օրերս երեւանում տեղի ունեցան երկու խոշոր գազաթանադրումներ՝ Եվրոպական քաղաքական համայնքի 8-րդ գազաթանադրով և «ԵՄ-Հայաստան» առաջին գազաթանադրով: Ի՞նչ դրական ազդեցություն կարող են ունենալ դրանք Հայաստանի և հայ ժողովրդի համար:



-Երեւի ճիշտ կլիներ այդ հարցը կազմակերպիչներին ուղղել: Հայաստանի և Եվրոպայի մերձեցումը Հայաստանի Հանրապետության անկախացումից ի վեր բոլոր իշխանությունների քաղաքականության մաս է եղել: 2015 թվականին ստորագրվել է Համապարփակ և ընդլայնված գործընկերության համաձայնագիրը, և հենց այդ փաստաթուղթն է կարգավորում Հայաստան-Եվրոպա հարաբերությունները: Մենք հարցերով պետք է դիմել գործող իշխանություններին:

-Բայց Ձեր գնահատմամբ՝ ի՞նչ կարող է շահել Հայաստանը այս հարաբերություններից:

-Հայաստանը նախ պետք է հասկանա՝ ինքն ինչ է ուզում շահել: Ոչ թե, ինչպես այսօրվա իշխանությունների դեպքում է, աշխարհաքաղաքական բեռնից բեռն նետվի:

-Ռուսաստանից բավական կոշտ արձագանքներ եղան: Բացի այդ, Ուկրաինայի նախագահ Վլադիմիր Զելենսկին հայտարարեց, որ մայիսի 9-ի շքերթին օդում երեւալու են ուկրաինական դրոշներ: Սա վտանգավոր հայտարարություն չէ՞ Հայաստանի համար:

-Ես աշխարհի ամենավերջին մարդը կլինեմ, որ Ջելենսկու հայտարարություններին անդրադառնամ: Կարծում եմ՝ այն երկիրը, ում ուղղված է եղել այդ սպառնալիքը, ինքն իր գնահատականը կտա: Բայց ես կարծում եմ, որ ընդհանրապես Ջելենսկուն չպետք է թույլ տային գալ Երևան, ինչպես որ Կիեւում էին անում: Պետք է հիշել նաև Ջելենսկու արձագանքը Արցախի հայաթափման և 44-օրյա պատերազմի հետեւանքների վերաբերյալ:

-Մինչեւ 2018 թվականը ինչպիսի՞ հարաբերությունների մեջ էր Հայաստանը Եվրոպական երկրների, մասնավորապես՝ Ֆրանսիայի հետ: Եւ նաեւ՝ Նախկինում Ֆրանսիայի նախագահները Հայաստան այցելելիս պարտադիր այցելում էին Մայր Աթոռ, մինչդեռ այս անգամ էմանուել Մակրոնը չայցելեց:

-Հայաստանի հարաբերությունները Եվրոպական երկրների հետ միշտ եղել են շատ դրական: Բազմաթիվ Եվրոպացի դեկավարներ՝ ժակ Շիրակը, Նիկոլա

Սարկոզին, Ֆրանսուա Օլանդը, պաշտոնական և պետական այցերով եղել են Հայաստանում: Ավելին՝ Արցախի հակամարտության կարգավորման լավագույն առաջարկներից մեկը, որը ներկայացվել էր կողմերին 2001 թվականի ապրիլին Քի Ուեսթում, մշակվել էր Փարիզում՝ ժակ Շիրակի անմիջական մասնակցությամբ և նախաձեռնությամբ: Հայաստան-Ֆրանսիա հարաբերությունները միշտ եղել են բարձր մակարդակի վրա: Այսօրվա Փաշինյան-Մակրոն հարաբերությունները որեւէ բացառիկ բան չեն: Իրենք անսպասելիորեն այգեստան չեն կառուցել:

-Առաջիկա համապետական ընտրություններում ի՞նչ պատկեր եք տեսնում: Իշխանությունները վստահեցնում են, որ ունենալու են 50+1 տոկոս աջակցություն, իսկ ընդդիմությանը մեղադրում են ընտրակաշառքի և մանիպուլյացիաների մեջ:

-Նիկոլ Փաշինյանը գնալու է տուն: «Պատերազմի եռագլուխ դեռ»՝ Ալիեւը, Փաշինյանն ու Էրդողանը, շարունակում են սպառնալ ժողովրդին: Փաշինյանն ասում է, թե եթե ինքը չընտրվի, մյուս երկուսը պատերազմ կբերեն մեր գլխին: Բայց արդյո՞ք ժողովուրդը պարտավոր է հավերժ հանդուրժել Փաշինյանին: Ո՛չ: Ժողովուրդը պետք է ազատ կամքով գնա ընտրության և Փաշինյանին ուղարկի տուն, որովհետեւ քանի դեռ Փաշինյանը կա, պատերազմի վտանգը շարունակվելու է:

-Այսինքն՝ եթե իշխանությունը սահմանադրական մեծամասնություն չձեւավորի, պատերազմ կլինի՞:

-Ես արդեն պատասխանեցի այդ հարցին:

-Իսկ խաղաղության գործընթացը ինչպե՞ս եք պատկերացնում: Ընդդիմությունը ինչպե՞ս է շարունակելու այդ գործընթացը:

-Այս պահին չկա որեւէ ստորագրված և ուժի մեջ մտած փաստաթուղթ: Կա միայն նախաստորագրված համաձայնագիր, որն իրավական ուժ չունի: Դրանով հասարակությանը մոլորեցնում են: Պատկերացրե՛ք այդ փաստաթուղթը ստորագրվում է, հետո ներկայացվում է Հայաստանի Սահմանադրական դատարան, և դատարանը այն հակասահմանադրական է ճանաչում: Այդ դեպքում ի՞նչ են անելու: Վերաբանակցելու՞ են:

-Փաշինյանն ասում է՝ եթե պետք լինի, Սահմանադրությունը կփոխի հանրաքվեով: Բայց եթե ժողովուրդը «ոչ» ասի՝ մեկ անգամ, երկու անգամ, երեք անգամ, այդ դեպքում ի՞նչ է լինելու:

-Նույնիսկ ստորագրված փաստաթուղթը կարող է փոփոխության ենթարկվել: Իսկ այստեղ մենք խոսում ենք ընդամենը նախաստորագրված թղթի մասին: Երբ ասում են, թե այն փոփոխման ենթակա չէ, դա պարզապես սուտ է: Նրանք խաբում են ժողովրդին:

Զրուցեց՝ ՆԱՆԻԿ ԱՂԱՅԱՆԸ

ԱԶՏԱՎԵԼ ԵՆ

ՆԵՐՄՈՒԾՄԱՆ ՄԱՔՍԱՏՈՒՐՔԵՐԻՑ

Հայաստանում մի շարք ընկերություններ են ազատվել ներմուծման մաքսատուրքերից: Համապատասխան որոշումներն ընդունվել են մայիսի 7-ին՝ Կառավարության նիստի ժամանակ: Մասնավորապես, մաքսատուրքից ազատվել է Գեղարքունիքի մարզի Շովազյուր համայնքում ճանապարհների շինարարությամբ և շահագործմամբ զբաղվող ընկերությունը: Վերջինս նախատեսում է ներկրել 160 մլն դրամ ընդհանուր արժողությամբ բեռնատարներ: Արտոնության չափը կկազմի 24 մլն դրամ:

Գյումրու «Բելիսիմո գրուպ» ընկերությունը, որը ես ստացել է նմանատիպ արտոնություն, մտադիր է 1,7 մլրդ դրամի ներդրում կատարել մասնաբերի արտադրության համար անհրաժեշտ հումքի և սարքավորումների ձեռքբերման նպատակով: Այս դեպքում արտոնության չափը կկազմի 728,6 մլն դրամ: Արմավիրի մարզի «Պրինտարմ Դանվեստ» ընկերությունը սույն որոշման շրջանակում նախատեսում է թողարկել 22 մլրդ դրամի արտադրանք: Արտոնության չափը կկազմի 1,1 մլրդ դրամ:

Հագուստի արտադրությամբ զբաղվող երեւանյան «ԷՖ-ՏԵԿՍ» ընկերությունը ես ստացել է նմանատիպ արտոնություն և մտադիր է արտադրել 917 մլն դրամի արտադրանք: Այս դեպքում արտոնության չափը կգնահատվի 69 մլն դրամ:

Բացի այդ, տեխնոլոգիական սարքավորումների ներմուծման մաքսատուրքից ազատվել է նաեւ Կոտայքի մարզի Ակունք համայնքում գործող «Միմո Թրեյդ» ընկերությունը: Ընկերությունը զբաղվում է ջերմոցային տնտեսությամբ և վարդերի մշակմամբ: Հաշվի առնելով նոր մատակարարների հետ կնքված պայմանագրերը՝ ներկայումս անհրաժեշտություն է առաջացել ներկրել 50,7 մլն դրամի լրացուցիչ ապրանքաքանակ: Մաքսատուրքից ազատման ընդհանուր գումարը գնահատվում է 25,7 մլն դրամ: Նախատեսվում է վարդերն իրացնել ինչպես ներքին, այնպես էլ արտաքին շուկաներում (մասնավորապես՝ Ռուսաստանում):

ՔՆՆԱՐԿԵԼ ԵՆ

Մայիսի 6-ին «Երեւանյան երկխոսություն» միջազգային համաժողովի շրջանակներում կայացել է ՀՀ ԱԺ նախարարի տեղակալ Մնացական Սաֆարյանի հանդիպումը Կամբոջայի Թագավորության ԱԳ և միջազգային համագործակցության նախարարության պետքարտուղար Մեաս Կիմ Յենգի հետ:

Զրուցակիցները քննարկել են երկկողմ օրակարգի մի շարք հարցեր՝ իրենց պատրաստակամությունը հայտնելով խորացնել համագործակցությունը փոխադարձ հետաքրքրություններ կարգադրող ոլորտներում:

Քննարկել են նաեւ վերականգնվող և կանաչ էներգետիկայի զարգացման ուղղությամբ երկու երկրներում իրականացվող քաղաքականությունը:

ԱԳ նախարարի տեղակալը գրուցակցին ներկայացրել է Հարավային Կովկասում խաղաղության ինստիտուցիոնալացմանն ուղղված քայլերը:

ԹՈՒՐՔԱԿԱՆ ՄԱՍՈՒԼ

Թուրքական մի ԸՄԲ լրատվամիջոցներ ակտիվորեն կեղծ արձագանք են սկսել և հրատարակում են են սարածում Ֆրանսիայի նախագահ Էմանուել Մակրոնի Հայաստան կատարած այցի և Ճիժեմակաբերող հուշահամալիր այցելության վերաբերյալ՝ ողորկելով, թե Մակրոնին թույլ չի տրվել օգտագործել Հայաստան-Թուրքիա ցամաքային սահմանը:

Թուրքական մամուլում շրջանառվող հրապարակումների համաձայն՝ Ֆրանսիայի նախագահը Հայաստան այցից հետո ցանկացել է Թուրքիա մուտք գործել հայ-թուրքական սահմանով, սակայն, ըստ թուրքական աղբյուրների, նախագահ Ռեջեփ Թայիփ Էրդողանը մերժել է այդ

դիմումը: Թուրքական լրատվամիջոցները դա ներկայացնում են որպես «Մակրոնի հակաթուրքական քաղաքականությանը տրված պատասխան»:

Հրապարակումներում նշվում է, թե Մակրոնը «վերջին շրջանում բացահայտ թշնամական դիրքորոշում է որդեգրել Թուրքիայի նկատմամբ», իսկ նրա այցը Ճիժեմակաբերող «ավելացրել է Անկարայի դժգոհությունը»: Թուրքական կողմը հատկապես քննադատում է այն, որ Ֆրանսիայի նախագահը այցելել է Հայոց ցեղասպանության զոհերի հուշահամալիր և իր գրառումներում անդրադարձել 1915 թվականի իրադարձություններին:

Թուրքական մամուլը նաեւ շեշտում է, որ Մակրոնը «թիրախավորել է Օսմանյան

կայսրությունը»՝ խոսելով պատմական հիշողության և զոհերի չմոռացվելու մասին: Մի շարք հրապարակումներում կրկնվում է նաեւ թուրքական պաշտոնական թեզը, ըստ որի՝ Հայաստանը պետք է հրաժարվի «ցեղասպանության մասին անհիմն պնդումներից»:

Հիշեցնենք, որ Ֆրանսիայի նախագահ էմանուել Մակրոնը Երեւանում մասնակցել էր Եվրոպական քաղաքական համայնքի գազաթանադրովին, հանդիպել վարչապետ Նիկոլ Փաշինյանի հետ, ինչպես նաեւ այցելել Ճիժեմակաբերողի հուշահամալիր, որտեղ հարգանքի տուրք էր մատուցել Հայոց ցեղասպանության զոհերի հիշատակին:

ԱՆԻ ՎԱՐՈՒՆՅԱՆ

ԻՐԱՎԻՃԱԿ

ԿԱՐԵՎՈՐ ԶԷ

ՌՈՒԲԵՆ ՎԱՐԴԱՆՅԱՆԻ ՀԱՅՏԱՐԱՐՈՒԹՅՈՒՆԸ՝ ԲԱՔՎԻՑ

ՌՈՒՄԱՍՏԱՆԻ ԳԱՇՆԱԿԻՑԸ ԶԷ



ՀՀ վարչապետ Նիկոլ Փաշինյանը կառավարության ճեպագրույցի ժամանակ հայտարարել է, որ Հայաստանը Ուկրաինայի հարցում Ռուսաստանի դաշնակից չէ՝ անդրադառնալով Ուկրաինայի նախագահ Վոլոդիմիր Զելենսկու՝ Երեւան այցի վերաբերյալ հնչող քննադատություններին:

Վարչապետի խոսքով՝ Հայաստանը Ուկրաինային տրամադրել է հումանիտար օգնություն, եւ պաշտոնապես հստակեցրել է իր դիրքորոշումը: «Ուկրաինայի հարցով մենք դաշնակից չենք Ռուսաստանի հետ», - ընդգծել է Փաշինյանը: Նա նաեւ նշել է, որ Հայաստանի արտաքին քաղաքականության եւ տարածաշրջանային խաղաղության գործընթացների համար առանցքային նշանակություն ունի Ալմա-Աթայի հռչակագիրը, որի վրա, ըստ նրա, կառուցվում է նաեւ Ադրբեյջանի հետ խաղաղության օրակարգը:

«Դուք գիտեք, թե Ալմա-Աթայի հռչակագիրն ինչ կարելու է սկզբունքային նշանակություն ունի մեզ համար, եւ մենք հենվում ենք այդ հռչակագրի վրա ու այդ հիմքի վրա ենք կառուցում խաղաղությունը Ադրբեյջանի հետ: Սա մեր սկզբունքային դիրքորոշումն է», - ասել է վարչապետը:

Հիշեցնենք, որ Ուկրաինայի նախագահ Վոլոդիմիր Զելենսկին Երեւան էր այցելել մայիսի 4-ին՝ մասնակցելու Եվրոպական քաղաքական համայնքի 8-րդ գագաթնաժողովին:

ԱՆԴՐԱԳԱՐՉԵԼ Է

Հայաստանի վարչապետ Նիկոլ Փաշինյանը հայտնել է, որ չի մասնակցելու Մոսկվայում կայանալիք մայիսի 9-ի ռազմական շքերթին՝ կապված երկրում սկսվող խորհրդարանական ընտրությունների նախընտրական գործընթացի հետ: Այս մասին նա հայտարարել է ճեպագրույցի ընթացքում:

Փաշինյանի խոսքով՝ դեռ ապրիլի 1-ին Մոսկվա կատարած այցի ժամանակ ինքը այդ մասին տեղեկացրել է Ռուսաստանի նախագահ Վլադիմիր Պուտինին: Վարչապետը նշել է, որ Հայաստանում սկսվում է նախընտրական քարոզարշավը, ինչի պատճառով ինքը չի կարողանա մասնակցել մայիսի 9-ին նախատեսված միջոցառումներին, գրում է Լենտա.ռու-ն:

Հայաստանի կառավարության ղեկավարի հայտարարությունը հրապարակվել է Armenpress-ի ուղիղ հեռարձակման ընթացքում: Ավելի վաղ հայտնի էր դարձել, որ մի շարք երկրների առաջնորդներ կմասնակցեն Մոսկվայում Հարթանակի օրվան նվիրված միջոցառումներին:

Ռուբեն Վարդանյանը հայտարարություն է փոխանցել ընթացիկ հեռախոսագրույցի ընթացքում ՀՀ մարդու իրավունքների դաշտում Անահիտ Մանասյանի դաշնակցական առնչությամբ:

«Ինձ հաջողվեց ծանոթանալ ՀՀ մարդու իրավունքների պաշտպան Անահիտ Մանասյանի՝ իմ դիմում-խնդրանքի պատասխանին: Հրապարակայնորեն չեմ գնահատի նրա այդ դիրքորոշումը: Թողնում եմ նրա խղճին: Պարզապես կասեմ՝ անկեղծորեն ցավում եմ: Աստված ձեզ դատավոր:

Բայց այս պատասխանից հետո կոնկրետ հարցեր են առաջանում ոչ միայն մարդու իրավունքների պաշտպանի ինստիտուտի, այլև Հայաստանի Հանրապետության վարչապետի հետ կապված:

Եթե Ադրբեյջանի բանտերում գտնվող հայ քաղաքացիների պաշտպանությունը ՀՀ օմբուդսմենի մանդատի մեջ չի մտնում, ապա ո՞ւմ մանդատն է սա: Մեր երկրում ո՞վ է պատասխանատու այս հարցի համար: Ե՞րբ է նշանակվել այդ անձը: Ինչո՞ւ դրա մասին ոչ ոք չգիտի՝ ո՞չ բանտարկյալների ընտանիքները, ո՞չ հասարակությունը:

Կան մարդիկ, ովքեր Բաքվի բանտերում պահվում են արդեն վեց տարի: Այս ընթացքում Հայաստանի կառավարությունն այդպես էլ չկարողացավ նրանց հետ կայուն եւ հասկանալի կապի մեխանիզմ կազմակերպել՝ ո՞չ երրորդ կողմի՝ Բաքվում այլ պետությունների դեսպանատների, ո՞չ միջազգային կազմակերպությունների միջոցով: Ինչո՞ւ:

Ինչպե՞ս է ստացվում, որ Հայաստանի ներկայացուցիչները կարող են Ադրբեյջան մեկնել առետրային, տնտեսական եւ այլ հարցեր քննարկելու նպատակով, բայց չեն կարողանում կազմակերպել այց հայ գերիների կյանքի, առողջության եւ իրավական կարգավիճակի հարցերով: Արդյո՞ք մարդկանց ճակատագիրն առետրային բանակցություններից առավել կարելու է:

Ինչո՞ւ մինչ օրս բանտարկյալներին ամենաանհրաժեշտ իրեր փոխանցելու նորմալ մեխանիզմ կազմակերպված չէ: Մի շարք անձինք արդեն ավելի քան մեկ տարի ոչինչ չեն ստանում: Շատերը



նորմալ հագուստ չունեն. հնարավորություն չկա ստանալ այն, ինչ իրականում անհրաժեշտ է՝ հաշվի առնելով նրանց տարիքը, առողջական վիճակը եւ պահման կենցաղային պայմանները:

Փոխարենը, եթե օգնություն ընդհանրապես հասնում է, այն կազմակերպվում է ոչ պաշտոնական, ոչ թափանցիկ եղանակով՝ առանց հաշվի առնելու բանտարկյալների իրական կարիքները: Մարդիկ ստանում են ոչ թե այն, ինչ իրենց անհրաժեշտ է, այլ այն, ինչ որոշվել է փոխանցել նրանց ինչ-որ մեկի կողմից. սա օգնություն չէ, այլ ողորմություն:

Այստեղ պահվողների շարքում կան տարեց՝ 70 տարեկանից բարձր մարդիկ, առողջական լուրջ խնդիրներ ունեցող մարդիկ: Եթե ատամ չունեցող մարդուն չորամիզ են տալիս, դա օգնություն չէ: Դա նվաստացում է:

Արդյո՞ք այս ամենը հայտնի է վարչապետին:

Ո՞վ է անձամբ պատասխանատու այս գործընթացի կազմակերպման համար: Ինչպիսի՞ն է սահմանված կարգը: Ինչո՞ւ այն չի պահպանվում: Զե՞ք ամաչում:

Ամոթ չէ՞ ստանալ խաղաղության մրցանակ, խաղաղության մասին խոսել եւ ծափահարություններ ընդունել, երբ Հայաստանի քաղաքացիները շարունակում են Բաքվի բանտերում մալ՝ առանց պատշաճ պաշտպանության, առանց սեփական պետության կողմից համակարգային աջակցության, օգնության ու վերահսկողության:

Հայտարարե՞ք պատասխանատու անձին: Հրապարակե՞ք աշխատանքի մեխանիզմը: Բացատրե՞ք՝ վերջին վեց տարիների ընթացքում ի՞նչ է արվել:

Կամ էլ ազնվորեն խոստովանե՞ք, որ այդպիսի պատասխանատու գոյություն չունի, եւ գերիների՝ իրենց պետությունից օգնություն ակնկալելը անիմաստ է»:

ՕՐՎԱ ԽՃԱՆԿԱՐ

ՊԱՅԹՅՈՒՆՆԵՐԻ ԶԱՅՆԵՐ՝ ՍՈՉԻՈՒՄ

Ռուսաստանի առողջարանային Սոչի քաղաքում գիշերվա ընթացքում մի քանի պայթյուն է որոտացել: Տեղի բնակիչների փոխանցմամբ՝ քաղաքի երկնքում լսվել են հակաօդային պաշտպանության համակարգերի աշխատանքի ձայներ, իսկ իշխանությունները հայտարարել են անօդաչու թռչող սարքերի հարձակման վտանգի մասին: Baza Telegram ալիքի տվյալներով՝ Սոչիում միացվել են օդային տագնապի ազդանշանները, իսկ քաղաքի օդանավակայանը ժամանակավորապես դադարեցրել է աշխատանքը՝ «Kobep» հատուկ ռեժիմի շրջանակում: Ականատեսները պնդում են, որ հակաօդային պաշտպանության միջոցները շարունակել են աշխատել ամբողջ գիշերվա ընթացքում:

Ռուսական աղբյուրները նշում են, որ սա արդեն չորրորդ ալիքի հարձակումն

է Սոչիի ուղղությամբ: Ավելի վաղ Ռուսաստանի պաշտպանության նախարարությունը հայտնել էր, որ մայիսի 7-ի գիշերը երկրի 21 շրջանների երկնքում խոցվել է ավելի քան 300 ուկրաինական անօդաչու սարք: Հարվածները տեղի են ունեցել այն ֆոնին, երբ Ուկրաինայի նախագահ Վլադիմիր Զելենսկին հայտարարել էր մայիսի 8-9-ի «լռության ռեժիմի» մասին:

ՎԹԱՐԱՅԻՆ ՎԱՅՐԷՋՔ

Շվեյցարական SWISS ավիաընկերության ուղեորատար ինքնաթիռը արտակարգ վայրէջք է կատարել Ղազախստանի Ալմաթի քաղաքում այն բանից հետո, երբ թռիչքի ընթացքում օդաչուներից մեկի ինքնազգացողությունը կտրուկ վատացել է: Դեպքը տեղի է ունեցել մայիսի 6-ին՝ Սեուլից դեպի Յուրիս իրականացվող չվերթի ժամանակ:

Aviation Today-ի փոխանցմամբ՝ Airbus A350 ինքնաթիռում գտնվել է

227 ուղեոր եւ անձնակազմի 14 անդամ: Թռիչքի ընթացքում, երբ օդանավը գտնվել է Ղազախստանի օդային տարածքում, երկրորդ օդաչուն վատ է զգացել իրեն, ինչից հետո որոշում է կայացվել անհապաղ վայրէջք կատարել Ալմաթիում: Մինչ վայրէջքը երեք բժիշկ օգնություն են ցուցաբերել օդաչուին, իսկ օդանավակայանում նրան սպասել են շտապօգնության խմբերը, որոնք տեղափոխել են հիվանդանոց:

Տեղական լրատվամիջոցների տեղեկություններով՝ օդաչուի մոտ հնարավոր է եղել որովայնային հիվանդություն, սակայն SWISS ավիաընկերությունը պաշտոնապես չի հաստատել այդ տվյալը: Արտակարգ վայրէջքից հետո ուղեորներն ու անձնակազմը գիշերել են Ալմաթիի հյուրանոցներում: Ավիաընկերությունը հայտարարել է, որ իր աշխատակիցների առողջությունն ու անվտանգությունը շարունակում են մնալ գլխավոր առաջնահերթությունը:

ՀԱՐՁԱԿՈՒՄ

ՄԵԿ ԱՆՁ ՏԵՂԱՓՈԽՎԵԼ Է ՀԻՎԱՆԳԱՆՈՑ

Հարձակում Շենգակի վարչական շրջանի աշխատակազմի ղեկավարի աշխատակիցների վրա...



ռություն լինել ու ցանկացած նման դրսեւորում արժանանալու է Երեւանի քաղաքապետարանի ամենակոշտ արձագանքին...

պարզում են միջադեպի հանգամանքները, եւ ՆԳՆ մեր գործընկերներն ավելի ուշ հավելյալ մանրամասներ կիրառակեն»,-գրել է Կարապետյանը:

ԼՈՒՐԵՐ

ՀԱՆԳԻՊԵԼ Է

Արդարադատության նախարար Սրբուհի Գալյանը հանդիպել է Միջազգային քրեական դատարանի նախագահ...

Տոմոկո Ականեն բարձր է գնահատել Հայաստանի պատրաստակամությունը...

Կողմերը քննարկել են Հոմոսեքսուալության հարցը քննարկելու հետ կապված հարցեր:

ԱՌՈՂՋԱԿԱՆ ՎԻՃԱԿԸ ԾԱՆԲ Է

Ապրիլի 19-ին արտակարգ դեպք է տեղի ունեցել Սյունիքի մարզում: Ժամը 14:10-ի սահմաններում ՀՀ Ներքին գործերի նախարարության ոստիկանության համայնքային ոստիկանության զխմարտական շտաբում...

Դեպքի փաստով ոստիկանության Կապանի բաժնում փաստաթղթեր են կազմվել, որոնք փոխանցվել են ՀՀ Քննչական կոմիտեի Սյունիքի մարզային քննչական վարչություն:

ԿԱՄԱՎՈՐ ՀԱՆՁՆՈՒՄՆԵՐ

Ոստիկանության տարածքային ստորաբաժանումների ծառայողների հետեւողականորեն անցկացվող բացատրական աշխատանքի շտաբում...

Ապրիլի պահվող գեներալ-գնդապետների կամավոր հանձնումները կամավոր հանձնելու հերթական դեպքերն են գրանցվել Համայնքային ոստիկանության Տավուշի բաժնի ծառայողների բացատրական աշխատանքի արդյունքում: Ոստիկանություն զանգած քաղաքացիները հայտնել էր, որ գեներալ-գնդապետները է թողել Պաշտպանության գյուղի հարակից տարածքում գտնվող աղբյուրի մոտ: Համայնքային ոստիկանները նշված վայրում հայտնաբերել են «SO2» տեսակի մարտական ակոսափող հրազեն, ինքնաձիգի ու գնդացրի 96 փամփուշտ եւ վառոդային լիցք:

Բացատրական աշխատանքի արդյունքում բաժին է ներկայացել Արծվաբերդ գյուղի մի բնակիչ եւ կամավոր հանձնել է «Կարաբին» տեսակի ակոսափող հրազեն: Հայտնել է, որ այն պատկանել է հանգուցյալ պապին: Տավուշի բաժնի ներկայացած Վերին Ծաղկավան գյուղի բնակիչն էլ կամավոր հանձնել է որսորդական ուղղակիփող հրացան եւ փամփուշտներ՝ հայտնելով, որ դրանք պատկանել են հանգուցյալ պապին:

ՆԳՆ ոստիկանությունը հորդորում է քրեական պատասխանատվությունից խուսափելու համար կամավոր հանձնել ապօրինի պահվող գեներալ-գնդապետները:

ԲԱՅԱՅԱՅՏՈՒՄ

ԱՊՕՐԻՆԻ

Համայնքային ոստիկանության էրեբունու բաժնի ծառայողները ստացել էին օպերատիվ տեղեկություն, որ Երեւանի Պուշկինի փողոցում բնակվող 51-ամյա մի տղամարդ իրացնելու նպատակով բնակարանում պահում է թմրանյութ:

Տեղեկությունը ստուգվեց, հիմնավորվեց, ու ապրիլի 27-ին էրեբունու եւ Նուբարաշեն վարչական շրջանների քննչական բաժնում նախաձեռնվեց քրեական վարույթ: Նույն օրը զննություն կատարվեց 51-ամյա տղամարդու բնակության վայրում: հայտնաբերվեցին էլեկտրական կշեռք, գիպ փակակառուցվածքով տոպրակներ եւ վեց փաթեթ՝ լցված ընդհանուր ավելի քան ութ հարյուր գրամ դեղնականաչավուն զանգվածով:

Ըստ տանտիրոջ՝ հայտնաբերվածը մարիխուանա է, այն ձեռք է բերել Տելեգրամյան հարթակի տարբեր օգտատերերից՝ իրացնելու նպատակով:

Իրացնելու նպատակով թմրամիջոց պահելուն վերաբերող մի տեղեկություն էլ էրեբունու համայնքային ոստիկանները ստուգել ու հիմնավորել էին նախորդ օրը՝ ապրիլի 26-ին:

Նախաձեռնված քրեական վարույթի շրջանակում զննություն էր կատարվել Սարի թաղում բնակվող օտարերկրյա քաղաքացի 28-ամյա տղամարդու տանը: Այս դեպքում էլ հայտնաբերվել են էլեկտրական կշեռք ու տոպրակներ, մեկ փաթեթ՝ լցված 93 գրամ քաշով դեղնականաչավուն զանգվածով եւ փայլաթիթեղի ութ փաթեթ՝ ընդհանուր մոտ ութ գրամ նույն զանգվածներով:

Օտարերկրացիները հայտնել է, որ փաթեթներով մարիխուանան պատկանում է իրեն:

ՉԵՐԲԱԿԱՎԵԼ ԵՆ

Վեդիում անչափահաս քույրերի հետ կապված գործով 2 անձ ձերբակալվել է: Այդ մասին ՋԼՄ-ներին հայտնում են քննչական կոմիտեից:

Վեդիում անչափահաս քույրերի հետ կապված գործով ձերբակալվել են Ա.Ե.Ն եւ Դ.Ա.Ն: Ավելի վաղ Գլխավոր դատախազությունից հայտնել էին, որ քրեական հետապնդում է հարուցվել Ա.Ե.-ի նկատմամբ՝ Քրեական օրենսգրքի 198-րդ հոդվածի 2-րդ մասի 2-րդ եւ 4-րդ կետերով (խոցելի վիճակում գտնվող անչափահասի նկատմամբ սեքսուալ բնույթի բռնի գործողություններ կատարելը) եւ Դ.Ա.-ի նկատմամբ՝ Քրեական օրենսգրքի 198-րդ հոդվածի 2-րդ մասի 2-րդ եւ 4-րդ կետերով (3 դրվագ):

Գործում ներգրավված է 3 անձ, տուժողները 2 քույրեր են՝ 15 եւ 17 տարեկան: 65-ամյա Դավիթ Այնազյանն անցնում է 2 երեխաների գործով, 58-ամյա Արթուր Երեմյանը՝ 1 երեխայի:

Հիշեցնենք, որ ըստ ԶԿ հաղորդագրության 2026 թվականի փետրվարի 12-ին անչափահաս քույրերի հայրը ՆԳՆ ոստիկանության Վեդիի բաժնի հաղորդում է ներկայացրել այն մասին, որ փետրվարի 8-ին Վ. Ե.-ն, օգտվելով իր դատեր անօգնական վիճակից (տառապում է մտավոր հետամնացություն ախտորոշմամբ), կատարել է անառակաբարո արարք:



● Ըստ վիճակագրական տվյալների՝ մայիսի 5-ից 6-ը բացահայտվել է թմրանյութի իրացման 3 դեպք:

ՍԱՐՁ

ՓՈՐՁԱՔՆՆՈՒԹՅՈՒՆ Է ԱՆՑԿԱՅՎՈՒՄ

Երեւան քաղաքում հակակոռուպցիոն դատարանում, կայանում էին Բերդ համայնքի սահմանամերձ Վերին Կարմիրաղբյուր բնակավայրի նախկին վարչական ղեկավար, ներկայումս Բերդի համայնքապետարանի առաջին կարգի մասնագետ Կամո Չոբանյանի գործով դատական նիստերը: Նրան մեղադրանք է առաջադրվել այն բանի համար, որ նա, զբաղեցնելով ՀՀ Տավուշի մարզի Բերդ համայնքի Վերին Կարմիրաղբյուր բնակավայրի վարչական ղեկավարի պաշտոնը եւ հանդիսանալով պաշտոնատար անձ, ՀՀ պաշտպանության նախարարության զորակոչային եւ զորահավաքային համալրման ծառայության Տավուշի մարզի տարածքային ստորաբաժանում ուղարկված Բերդ համայնքում հաշվառված 20-ից 51 տարեկան զինապարտների անվանացուցակում իր որդու՝ Մանվել Չոբանյանի՝ Հայաստանի Հանրապետությունում գտնվելու պայմաններում, վերջինիս անձնական տվյալների դիմաց կատարել է ակնհայտ կեղծ «ՌՌ» գրառումը՝ փաստաթուղթն այնուհետեւ ուղարկելով Բերդի համայնքապետարան, որտեղ հիշյալ անվանացուցակը համայնքապետի կողմից վավերացվելուց հետո, ուղարկվել է ՀՀ պաշտպանության նախարարության զորակոչային եւ զորահավաքային համալրման ծառայության Տավուշի մարզի տարածքային ստորաբաժանում՝ այսպիսով դրվելով պաշտոնական շրջանառության մեջ: Այդ արարքի համար Կ. Չոբանյանին մեղադրանք է առաջադրվել ՀՀ քրեական օրենսգրքի 445-րդ հոդվածի 1-ին մասով («Պաշտոնեական կեղծիք»):

Հակակոռուպցիոն դատարանում այդ գործով դատավարությունում նախագահում է դատավոր Վահե Դոլմազյանը, մեղադրանքը պաշտպանում է ավագ դատախազ Աննա Հակոբյանը: Կամո Չոբանյանի շահերը պաշտպանում է փաստաբան Արթուր Մելիքբեկյանը: Կ. Չոբանյանն առաջադրված մեղադրանքում իրեն մեղավոր չի ճանաչում, դատարանում նրա պաշտպանը չի ընդունել մեղադրող կողմի հետ համաձայնության գալու, համագործակցության, արագացված դատաքննության վերաբերյալ դատավորի առաջարկը: Կամո Չոբանյանի որդի Մանվելն Արցախում տեղի ունեցած 44-օրյա պատերազմին մասնակցել է, վիրավորվել, նա վարժական հավաքներից խուսափելու մտադրություն երբեք չի ունեցել եւ չունի: Կամո Չոբանյանը պնդում է, որ ինքն էլ այդ առնչությամբ կեղծ նշում չի կատարել:

Սույն քրեական գործով դատավարությունը հակակոռուպցիոն դատարանում սկսվել է 2024թ. հոկտեմբերի 7-ին: 2026թ. փետրվարի 9-ի նիստում դատարանը, հիմք ընդունելով ՀՀ քրեական դատավարության օրենսգրքի 333 հոդվածը, որոշել է քրեական գործով նշանակել փորձաքննություն: Դրա եզրակացությունը դատարանը դեռ չի ստացել:

ՈՍԿԱՆ ՍԱՐԳՅԱՆ

ԻՆՉ ՈՒՆԻ

Ո՞Վ Է ԼԵՎՈՆ ՇԻՐԻՆՅԱՆԸ

2026 թվականի հունիսի 7-ին կայանալիք Ազգային ժողովի ընտրություններին ընդառաջ՝ քաղաքական ուժերը մեկը մյուսի հետեւից բացում են իրենց ցուցակները, իսկ հանրության ուսարության կենտրոնում արդեն ոչ միայն անուններն են, այլեւ այդ անունների կենսագրությունն ու հայտարարած կարողությունը:

Այս անգամ ուշադրության կենտրոնում ընտրություններին 12 համարի ներքո մասնակցող Քրիստոնեա-ժողովրդավարական կուսակցության առաջնորդ Լեւոն Շիրինյանն է:

Քաղաքական գիտությունների դոկտոր, պրոֆեսոր, երկարամյա դասախոս ու գիտաշխատող Շիրինյանը գլխավորում է կուսակցության ընտրացուցակը, սակայն նրա ներկայացրած գույքի եւ եկամուտների հայտարարագիրը ցույց է տալիս բավական համեստ պատկեր:

2024 թվականի հայտարարագրի համաձայն՝ տարվա սկզբում Շիրինյանն ունեցել է ընդամենը մեկ անշարժ գույք՝ բնակարան Երեւան քաղաքի Նոր Նորք վարչական շրջանում: Բնակարանը ձեռք է բերվել դեռեւս 2005 թվականին եւ համատեղ սեփականություն է: Տրանսպորտային միջոց նա չի հայտարարագրել:

Ավելի խոսուն են դրամական միջոցները. բանկային հաշիվներին՝ ընդամենը 272 հազար դրամ, կանխիկ՝ 70 հազար դրամ:

Մինչդեռ հաշվետու տարվա ընթացքում նրա ընդհանուր եկամուտը կազմել է 6 միլիոն 378 հազար 651 դրամ: Այդ գումարից 1 միլիոն 244 հազար 31 դրամը ստացվել է հաշվառուր Աբովյանի անվան հայկական պետական մանկավարժական համալսարանից, իսկ 5 միլիոն 134 հազար 620 դրամը՝ ՀՀ ԳԱԱ փոխտնօրինության, սոցիոլոգիայի եւ իրավունքի ինստիտուտից:

Այսօր Շիրինյանը ղեկավարում է մանկավարժականի հասարակագիտության



ամբիոնը, սակայն նրա քաղաքական կենսագրությունն էլ պակաս ուշագրավ չէ: Աշխատանքային ուղին սկսել է դեռ 1976 թվականին՝ Երեւանի պոլիտեխնիկական ինստիտուտում: Հետագայում աշխատել է նաեւ ճարտարապետաշինարարական ինստիտուտում, ղեկավարել գիտահետազոտական խումբ, պաշտոն զբաղեցրել նախագահի աշխատակազմում, դասավանդել է նաեւ Երուսաղեմի Հայոց պատրիարքարանի հոգեւոր ճեմարանում:

2007 թվականին նրան շնորհվել է քաղաքական գիտությունների դոկտորի աստիճան՝ ժամանակակից գեոպոլիտիկական տեսությունների եւ Հայաստանի երկրաազմավարական առաջնահերթությունների մասին ատենախոսության համար:

Սակայն քաղաքական ընտրական փորձը Շիրինյանի համար Նոր չէ: 2021 թվականին նա մասնակցում էր խորհրդարանական ընտրություններին Հանուն հանրապետության կուսակցության եւ Քրիստոնեա-դեմոկրատական վերածնունդ կուսակցության կազմած դաշինքով, որի առաջնորդը Արման Բաբաջանյանն էր: Այդ դաշինքը, սակայն, ստացավ ընդամենը 1.50 տոկոս եւ մնաց ԱԺ-ից դուրս:

Այժմ՝ 2026-ի ընտրություններին ընդառաջ, նախկին գործընկերները գնում են առանձին ճանապարհներով: Իսկ գլխավոր հարցը մնում է նույնը՝ արդյո՞ք երկար կենսագրությունն ու ակադեմիական փորձը կկարողանան վերածվել քաղաքական քվեի:

ՍՈՆԱ ԳՐԻԳՈՐՅԱՆ

ՍՈՑԻԱԼԱԿԱՆ-ՔԱՂԱՔԱԿԱՆ

ԻՆՔՆԱՐԱՑԱՐԿ Է ՀԱՅՏՆԵԼ

Երեւանի փոխքաղաքապետ Արմեն Փամբուխչյանն ինքնաբացարկ է հայտնել. «Սիրելի՛ հայրենակիցներ, Տեղյակ եք, որ ընդգրկված եմ 2026թ. հունիսի 7-ի ՀՀ Ազգային ժողովի հերթական ընտրությունների՝ «Քաղաքացիական պայմանագիր» կուսակցության ընտրական ցուցակում: Տեղյակ եք նաեւ, որ Երեւանի քաղաքապետ պարոն Տիգրան Ավինյանը նույնպես պատգամավորի թեկնածու է՝ ընդգրկված ՔՊ ընտրական ցուցակում:

Ընտրական օրենսգրքը, սակայն, սահմանում է, որ հանրային ծառայության մեջ գտնվող պատգամավորի թեկնածուները (բացառությամբ Հանրապետության նախագահի, Ազգային ժողովի պատգամավորների եւ կառավարության անդամների) նախընտրական քարոզչության պաշտոնական մեկնարկի օրվանից մինչեւ քվեարկության օրն օրենքի ուժով ազատվում են իրենց ծառայողական պարտականությունների կատարումից: Սա նշանա-

կում է, որ թե՛ ես, թե՛ պարոն Ավինյանը, ընտրական ցուցակում մնալու դեպքում, օրենքի ուժով ժամանակավորապես ազատվելու ենք մեր պարտականությունների կատարումից մայիսի 8-ից սկսած:

«Երեւան քաղաքում տեղական ինքնակառավարման մասին» ՀՀ օրենքի կարգավորումների համաձայն՝ քաղաքապետի առաջին տեղակալն է փոխարինում քաղաքապետին վերջինիս բացակայության ժամանակ: Ինչը նշանակում է, որ գործող օրենսդրական կարգավորումները թույլ չեն տալիս քաղաքապետի մյուս տեղակալներին փոխարինել քաղաքապետին:

Հաշվի առնելով վերը գրված հանգամանքը, առաջնորդվելով Երեւան քաղաքի լավագույն շահով եւ քաղաքի կառավարման ճգնաժամ չհարուցելու հրամայականով՝ որոշել եմ ինքնաբացարկ հայտնել:

Ուժերիս ներածին չափով, բնականաբար, աջակցելու եմ կուսակցությանս գալիք ընտրություններում ջանքերիս հաղթանակ տանելու համար:

Տե՛ր կանգնիր խաղաղությանը, սիրելի՛ երեւանցի»:

ԿԵՂԾ ՆԱՄԱԿՆԵՐ

Հանրակրթական դպրոցների պաշտոնական էլեկտրոնային հասցեներին ԿԳՄՍ նախարարության հետ առնչություն չունեցող էլեկտրոնային հասցեից տարածվում է կեղծ հաղորդագրություն նախարարության հանրակրթության վարչության պետ Թամարա Սարգսյանի անունից: ԿԳՄՍ նախարարությունը պաշտոնապես հայտնում է, որ նշված նամակը ապատեղեկատվություն է եւ որեւէ առնչություն չունի նախարարության հետ:

«Հանրակրթական ուսումնական հաստատությունների հարգելի՛ տնօրեններ, խնդրում ենք տվյալ նամակը չհիտարկել որպես նախարարության պաշտոնական հաղորդագրություն եւ առաջնորդվել բացառապես նախարարության պաշտոնական աղբյուրներով ստացվող եւ պաշտոնական հարթակներում հրապարակվող տեղեկատվությամբ:

Միաժամանակ տեղեկացնում ենք, որ նախարարությունը հետեւողական է լինելու յուրաքանչյուր ապատեղեկատվության եւ մանիպուլյատիվ գործողության բացահայտման հարցում»:

● Մայիսի 5-ից 6-ը Հայաստանի Հանրապետությունում բացահայտվել է 5 դեպք՝ անձնական ունեցվածքի գողության:

ՍՈՑԻԱԼԱԿԱՆ

ԼՈՒՐԵՐ

Գ

ԱՄԵՐԻԱԲԱՆԿ

Գ

ՆՎԱԶԵՑԻԷ Է

-1% գործող ՓՄՁ վարկերի տոկոսադրույքներից



Արդշինբանկը շարունակում է աջակցել Հայաստանի փոքր և միջին ձեռնարկատիրության զարգացմանը՝ բարելավելով ֆինանսավորման պայմանները...

Բանկը վերանայել է ՓՄՁ հաճախորդներին տրամադրված վարկերի պայմանները: Կարելի էր երկարատե համագործակցությունը և նպատակ ունենալով թեթևացնել հավատարիմ հաճախորդների վարկային բեռը՝ գործող պարտավորությունների տոկոսադրույքները...

Այս նախաձեռնությունը միտված է նվազեցնելու բիզնեսների ֆինանսական բեռը, խթանելու ներդրումային ակտիվությունը և ապահովելու առավել մրցունակ պայմաններ տեղի ձեռնարկատերերի համար:

Արդշինբանկը շարունակում է նաև զարգացնել ՓՄՁ հաճախորդների սպասարկման ենթակառուցվածքները: Բիզնեսների սպասարկումն ավելի ճկուն դարձնելու նպատակով վերջերս գործարկվել է առցանց վարկավորման հնարավորությունը...

Բանկի կողմից առաջարկվող ՓՄՁ ծառայությունների ամբողջական փաթեթը ներառում է վարկային, հաշվարկային և խորհրդատվական լուծումներ՝ հարմարեցված տարբեր ոլորտներում գործող բիզնեսների կարիքներին:

ՓՄՁ գործընկերությանը և ցանկացած այլ ֆինանսական ծառայություններին վերաբերող հարցերի դեպքում կարող եք զանգահարել բանկի շուրջօրյա կոմունիկացիոն կենտրոն 012 22 22 22 հեռախոսահամարով կամ այցելել Արդշինբանկի մասնաճյուղից մեկը, ինչպես նաև օգտվել բանկի պաշտոնական կայքից՝ www.ardshinbank.am:

Արդշինբանկը շարունակելու է իր գործունեությամբ նպաստել գործարար միջավայրի զարգացմանը՝ լինելով վստահելի գործընկեր բիզնեսի համար:

Բանկը վերահսկվում է ՀՀ Կենտրոնական բանկի կողմից

«ՀԱՅԷԿՈՆՈՄԲԱՆԿ»

Ս.թ. մայիսի 15-ից «ՀԱՅԷԿՈՆՈՄԲԱՆԿ» ԲԲԸ-ն դադարեցնելու է ՀՀ, 0010, ք. Երեւան, Նալբանդյան 48/1 հասցեում գործող «ՍԱՆԱՐՈՎ» մասնաճյուղի գործունեությունը: «ՍԱՆԱՐՈՎ» մասնաճյուղի հաճախորդները կարող են շարունակել սպասարկվել «ՀԱՅԷԿՈՆՈՄԲԱՆԿ» ԲԲԸ «ԿԵՆՏՐՈՆ» մասնաճյուղում (հասցե՝ ՀՀ, 0010, ք.Երեւան, Արաբի փողոց թիվ 3 և 5 շենք), ինչպես նաև Բանկի ցանկացած այլ մասնաճյուղում:

Միաժամանակ հայտնում ենք, որ գրեթե բոլոր բանկային գործարքները հնարավոր է կատարել AEB Mobile հավելվածով և/կամ վճարային տերմինալներով:

ՆՇԱՆԱՎՈՐՎԵՑ ԱՄԵՐԻԱԲԱՆԿԻ ՆԵՐԱՌՈՒՄԸ FTSE 100-ՈՒՄ

Lion Finance Group-ը (LFG) ազդարարեց իր ընդգրկումը FTSE 100 ինդեքսում՝ Եվրոպայի փակումից հետո հնչեցնելով Լոնդոնի ֆոնդային բորսայի զանգը:

Ամերիաբանկը որպես LFG խմբի մաս, 2026թ. մարտին ներառվել է աշխարհի առաջատար բորսաներից մեկի FTSE 100 ինդեքսում՝ դառնալով առաջին հայկական ընկերությունը, որն ընդգրկվում է Լոնդոնի ֆոնդային բորսայում ցուցակված 100 խոշորագույն ընկերությունների շարքում:

Լոնդոնի ֆոնդային բորսայի զանգի հնչեցման արարողությունը խորհրդանշական ավանդույթ է, որին մասնակցում են ֆինանսական հաստատությունների ներկայացուցիչները, ներդրողները և հիմնական շահառուները:

Այս արարողությանը մասնակցեցին Lion Finance Group-ի, Ամերիաբանկի, Bank of Georgia-ի ղեկավար կազմը, ինչպես նաև Կրաստանի և Հայաստանի կառավարությունների անդամներ, այդ թվում՝ ՀՀ ֆինանսների նախարար Վահե Հովհաննիսյանը, ՀՀ կենտրոնական բանկի նախագահ Մարտին Գալստյանը և այլ հյուրեր:

LFG-ի ընդգրկումը FTSE 100 ինդեքսում վկայում է խմբի երկարաժամկետ ռազմավարության և կայուն աճի նկատմամբ միջազգային ներդրողների մեծ վստահության մասին:



Այս կարեւոր իրադարձությունը խմբի և դրա անդամների համար նշանակալի է զարգացման նոր փուլ, որի հիմքում երկարաժամկետ ռազմավարական տեսլականն է և հաճախորդների համար արժեք ստեղծելու հանձնառությունը:

2006 թվականից Լոնդոնի ֆոնդային բորսայում ցուցակված լինելով՝ LFG ֆինանսական խումբն ընդգրկվում է FTSE 100 ինդեքսում Ամերիաբանկի՝ խմբին միանալուց երկու տարի անց: Սա վկայում է Ամերիաբանկի՝ խմբում ընդգրկվելու ռազմավարական կարեւորության և խմբի ընդհանուր զարգացման համարբանկի նշանակալի դերի մասին:

Նշենք, որ այցի ընթացքում Ամերիաբանկի ու Bank of Georgia-ի ներկայացուցիչները հյուրընկալվել են Նաեւ Միացյալ Թագավորությունում Հայաստանի Հանրապետության դեսպանատանը, հանդիպել են արտակարգ և լիազոր դեսպան Ն.Գ Վարուժան Ներսեսյանի հետ:

Lion Finance Group-ը Լոնդոնի ֆոնդային բորսայում ցուցակված բանկային խումբ է, որը միավորում է տարածաշրջանի առաջատար, հաճախորդակենտրոն, թվային հնարավորություններով հագեցած ունիվերսալ բանկերը և գործում է իր հիմնական անդամների՝ Կրաստանում Bank of Georgia-ի և Հայաստանում Ամերիաբանկի միջոցով:

ԼՈՒՐԵՐ

Գ

100 ՄԻԼԻՈՆ ԵՎՐՈ

Ակբա բանկը Վերակառուցման և զարգացման Եվրոպական բանկի հետ նոր համագործակցությամբ 100 միլիոն Եվրո կողմից Հայաստանում գործող բիզնեսների զարգացմանը, ընդ որում՝ ֆինանսավորման 50 միլիոն Եվրոյի ռիսկը կկրի ՎՋԵԲ-ը: Ծրագիրն իրականացվում է Եվրոպական միության աջակցությամբ՝ EFSD+ ծրագրի շրջանակում:

Ծրագրի հիմնական առավելությունները.

- Ֆինանսավորման հեշտ հասանելիություն. տրամադրվող միջոցներով ՓՄՁ-ները հնարավորություն կստանան համարել շրջանառու միջոցներն ու ընդլայնել բիզնեսը:
- ԵՄ աջակցություն. ծրագիրն իրականացվում է Եվրոպական միության (EFSD+ ծրագիր) ֆինանսական երաշխիքների ներքո:

Նոր համաձայնագիրը Լոնդոնում ստորագրել են Ակբա բանկի գլխավոր գործադիր տնօրեն Հակոբ Անդրեասյանը և ՎՋԵԲ-ի ֆինանսական հաստատությունների գծով գործադիր տնօրեն Ֆրանսիս Մալիժը:

«Ակբա բանկը և ՎՋԵԲ-ը համագործակցության երկար տարիների փորձ ու

նեն, և փոխադարձ վստահությամբ զարգացնում ենք մեր գործընկերությունը: Լոնդոնում ստորագրված համաձայնագիրը նոր հորիզոններ է բացում հատկապես փոքր և միջին բիզնեսի համար: Ուրախ ենք, որ Ակբա բանկը Հայաստանում շարունակում է նպաստել ֆինանսավորման լուծումների զարգացմանը, որոնք ունեն իրական եւտեսանելի ազդեցություն մեր տնտեսության վրա»,- նշել է Ակբա բանկի գլխավոր գործադիր տնօրեն Հակոբ Անդրեասյանը:

«Ուրախ ենք Ակբա բանկի հետ ստորագրել երաշխիքային այս նոր համաձայնագիրը՝ մեր հիմնական գործընկեր Եվրոպական միության աջակցությամբ: Մենք հավատարիմ ենք մնում մասնավոր բիզնեսի աճի և կայունության խթանմանը՝ բարելավելով փոքր և միջին ձեռնարկությունների հասանելիությունը ֆինանսներին, ինչը Հայաստանի տնտեսական զարգացման կարեւոր շարժիչ ուժն է: Նորարարական ֆինանսական գործիքների միջոցով մենք նպաստում ենք երկրի տնտեսական դիմակայունությանը և զարգացմանը: Ընկերությունների մրցունակության բարձրացումը և ֆինանսական հատվածի միջոցով ռիսկերի բաշխման գործիքների կիրառումը Հայաստանում ՎՋԵԲ-ի հիմնական առաջնահերթություններից են»,- նշել է ՎՋԵԲ-ի ֆինանսական հաստատությունների գծով գործադիր տնօրեն Ֆրանսիս Մալիժը:

Ակբա բանկը Հայաստանի տնտեսության առաջատար ֆինանսավորողներից մեկն է և երկրի գյուղատնտեսական ոլորտի ֆինանսավորման առաջատարներից մեկը: Բանկը անընդհատ ընդլայնում և զարգացնում է ֆինանսական ծառայությունների քանակն ու որակը՝ նպաստելով

Հայաստանի տնտեսական կայունությանը և զարգացմանը: Ակբա բանկը Հայաստանի առաջին լիզինգային ընկերության՝ Ակբա Լիզինգի հիմնադիրն ու 100% բաժնետերն է, ինչպես նաև Եվրոպայի առաջատար ակտիվների կառավարիչ Ամունդիի հետ համատեղ Հայաստանում հիմնադրել է Ամունդի-Ակբա Ասեթ Մենեջմենթ ընկերությունը: Ակբա բանկը գործում է Հայաստանի բոլոր մարզերում, ունի 66 մասնաճյուղ և ավելի քան 5000 բաժնետեր:

ՎՋԵԲ-ը Հայաստանի խոշորագույն ինստիտուցիոնալ ներդրողներից է, որն իրականացրել է շուրջ 3 միլիարդ Եվրոյի ներդրում երկրի 243 ծրագրերում, ընդ որում՝ այդ ներդրումների մեծ մասն ուղղվել է մասնավոր հատվածին:

Բանկը վերահսկվում է ՀՀ ԿԲ կողմից

ԺԱՄԱՆԱԿԱՑՈՒՅՑ

«Միասնության թեւեր» կուսակցությունը հրապարակել է առաջիկա օրերի նախընտրական քարոզարշավի այցերի ժամանակացույցը:

Նախընտրական այցերի ժամանակացույց.

- 08 մայիսի 2026թ.
- 11:00 - Քարոզարշավի մեկնարկ՝ Գոշավանք
- 12:30 - Իջեւան և հարակից գյուղեր՝ Աջաջուր, Ագատամուտ
- 09 մայիսի 2026թ.
- 11:00 - Հաղթանակ գրասյոպի
- 12:30 - Երեւան, Նոր Նորք վարչական շրջան
- 10 մայիսի 2026թ.
- 11:00 - Վանաձոր և հարակից գյուղեր:

«Հոդված» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

FINTECH360

ՀԱՅԱՍՏԱՆՈՒՄ ԿԱՅԱՑԱՎ ՖԻՆԵԽՅՅՈՒՄԻ ՄԻՋԱԶԳԱՅԻՆ ՀԱՄԱԺՈՂՈՎՐԸ

Յունիթի աջակցությամբ երեսուցամյա անցկացվեց FINTECH360 միջազգային համաժողովը, որը համախմբեց շուրջ 500 մասնակից ավելի...



AI-գործակալների և բազմագործակալ համակարգերի կիրառումը ֆինանսական գործընթացների ավտոմատացման մեջ...

Քի երկարաժամկետ զարգացման կարելու առաջնությունները: Նշվեց նաև, որ Յունիթը առաջինն էր Հայաստանում...

Համաժողովն անցկացվեց FINTECH360-ի գլխավոր գործընկեր՝ Յունիթի աջակցությամբ:

FINTECH360-ը միավորեց բանկային ոլորտի, վճարային համակարգերի, խոշոր SS ընկերությունների ղեկավարներին...

Բացման խոսքով հանդես եկան Յունիթի վարչության նախագահ Մեսրոպ Հակոբյանը, Հայաստանում ՄԱԿ-ի մշտական համակարգող Ֆրանսուազ ժակոբը...

FINTECH360 համաժողովը եւս մեկ անգամ հաստատեց իր կարևոր դերը՝ որպես միջազգային հարթակ ֆինանսական տեխնոլոգիաների ոլորտում...

- հաճախորդի փորձը ֆինտեխում եւ տեխնոլոգիաների դերը որակյալ պրոդուկտ ստեղծելու գործում,
• ֆինանսական ոլորտի թվայնացումը՝ բաց բանկինգ, բաց ֆինանսներ, կենսաչափական նույնականացում,

5 ՊԱՅԱՆՋ

Ժոզե Մուրիլյուն Մադրիդի «Ռեալի» նախագահ Ֆլորենտինո Պերեսի հետ քննարկել է «արքայական ակումբի» գլխավոր մարզչի պաշտոն վերադառնալու հավանականությունը:



Ֆիզպատրաստության գծով մարզիչ Անտոնիո Պինտոսի հեռացումը Մուրիլյուն չի ցանկանում իր շտաբում տեսնել «Պերեսի լրտեսներին»:

Քի երկարաժամկետ զարգացման կարելու առաջնությունները: Նշվեց նաև, որ Յունիթը առաջինն էր Հայաստանում...

Պայմանագիր երկու մրցաշրջանով Մուրիլյուն ցանկանում է համաձայնագիր կնքել մինչև 2028 թվականի հունիսի վերջ:

Ակումբի մամուլի քարտուղարի նշանակում: Մուրիլյուն ցանկանում է հանդես գալ բացառապես որպես մարզիչ եւ ոչ թե որպես ակումբի պաշտոնական խոսնակ: «Յուրահատուկը» չի ցանկանում, որ իր՝ ոչ ֆուտբոլային հայտարարությունների պատճառով կոնֆլիկտները կրկնվեն:

Լիակատար մարզական անկախություն: Պորտուգալացին դեմ է, որ ղեկավարությունից որեւէ մեկն ազդեցություն ունենա մարզական որոշումների վրա: Պերեսը ստիպված կլինի համաձայնել զիջել իր դիրքերը: Մուրիլյուն պահանջում է, որ ինքը ղեկավարի թիմը, իսկ Պերեսը՝ ակումբը:

ՄԱՐԶԱԿԱՆ

ՊԱՌԱՄԱՆՈՒՄ «ՌԵԱԼ»-ՈՒՄ


Մադրիդի «Ռեալ»-ի հանդերձարանում խիստ անհանգիստ մթնոլորտ է: Վերջին օրերին իսպանական մամուլը բացահայտել է ֆուտբոլիստների միջև տեղի ունեցած միանգամից երկու լուրջ կոնֆլիկտ: Չորեքշաբթի կայացած մարզման ժամանակ բանը գրեթե հասել է ծեծկռուտի Օրելյեն Չուամենիի եւ Ֆեդերիկո Վալվերդեի միջև:

«Արքայական ակումբն» ակնհայտորեն բարդ շրջան է ապրում, իսկ թիմի ներսում պառակտումն ավելի ու ավելի նկատելի է դառնում: Ինչպես հաղորդում է Marca պարբերականը, կոլեկտիվում ձեւավորվել են խաղացողների առանձին խմբավորումներ, որոնք գրեթե չեն շփվում միմյանց հետ:

Բացի այդ, ծայրահեղ լարված են հարաբերությունները մարզչական շտաբի անդամ Ալվարո Արբելայի հետ: «Իրավիճակն այնքան է սրվել, որ մոտ վեց ֆուտբոլիստ ընդհանրապես չի խոսում նրա հետ», - նշվում է իսպանական պարբերականի հոդվածում:

Հատկանշական է, որ այս պայթյունավտանգ է լարված իրավիճակում մադրիդյան թիմը պատրաստվում է մրցաշրջանի առաջնության հանդիպումներից մեկին. կիրակի՝ մայիսի 10-ին, «Ռեալ»-ն արտագնա խաղում ուժերը կչափի ռիսերիմ թշնամու՝ կատալոնական «Բարսելոնա»-ի հետ:

ԱՆՆԱ ԱՄՐՈՅԱՆԸ՝ ԱՇԽԱՐՀԻ ՉԵՄՊԻՈՆ



Աննա Ամրոյանը դարձել է Եգիպտոսում ընթացող ծանրամարտի երիտասարդական Աշխարհի առաջնությունում հաղթող:

Նա մինչև 77 կգ քաշային կարգի պոկում վարժությունում կարողացել է օգտագործել 3 մոտեցումն էլ ու գլխավերելու պահել է 106 կգ: Հրումում եւս Ամրոյանի բոլոր փորձերը հաջողված են եղել ու նա գրանցել է 134 կգ: Ամրոյանը չեմպիոնի կոչումը նվաճել է երկամարտի 240 կգ արդյունքով:

Օրեր առաջ Ամրոյանը Բաթումիում մասնակցել է մեծահասակների Եվրոպայի առաջնությանն ու պոկումում 0 ստացել: Հրումում նա բարձրացրել է 136 կգ ու Եվրոպայի ռեկորդ սահմանել՝ նվաճելով փոքր ոսկե մեդալ:

• Ա. Սպենդիարյանի անվան օպերայի եւ բալետի ազգային ակադեմիական թատրոնում մայիսի 16-ին՝ ժամը 18:00-ին, կկայանա «Սպարտակ» բալետը:



ԿԱՐԳ

ՀԱՐՑ. Ինչպե՞ս է Մարդու իրավունքների դաժանաբանության ազդակցում խախտված իրավունքի վերականգնման հարցում:

Անիտա Սարգսյան, 28 տարեկան



**ՊԱՏԱՍԽԱՆ.** Քննարկելով բողոքը եւ տեսնելով մարդու իրավունքների եւ ազատությունների խախտում Պաշտպանն առաջարկում է տվյալ խախտումը կատարած պետական կամ տեղական ինքնակառավարման մարմին կամ դրա պաշտոնատար անձին վերացնել թույլ տրված խախտումները:

Պաշտպանը նաեւ նշում է մարդու իրավունքների եւ հիմնարար ազատությունների վերականգնման համար անհրաժեշտ եւ կատարման ենթակա հնարավոր միջոցառումները:

Պաշտպանն իրավասու է առաջարկել իրավասու պետական մարմիններին՝ կարգապահական կամ վարչական տույժի ենթարկել կամ քրեական պատասխանատվության կանչել այն պաշտոնատար անձին, որի որոշումներով կամ գործողություններով (անգործությամբ) խախտվել են մարդու իրավունքները եւ հիմնարար ազատությունները, ինչպես նաեւ ձեռնարկել օրենքով նախատեսված այլ գործողություններ:

Հայաստանի Հանրապետության մարդու իրավունքների պաշտպան

Էջը՝ ՄԱՐԻԱՆԱ ՀՈՎՀԱՆՆԻՍՅԱՆԻ

ՀԱՍԱՐԱԿՈՒԹՅՈՒՆ

ՀԱՐՑ. Ի՞նչ է նշանակում, որ Հայաստանի Կենտրոնական բանկն անկախ է:

Ռուբեն Ղալթյան, 39 տարեկան

**ՊԱՏԱՍԽԱՆ.** Կենտրոնական բանկի անկախությունը կարելի է ինտերպրետացնել նախապայման է գների կայունությունը պահպանելու համար: Ուսումնասիրությունները ցույց են տալիս, որ կենտրոնական բանկերի գործառնական անկախությունը նպաստում է իրականացվող դրամավարկային քաղաքականության վստահելիությանը՝ միաժամանակ ուժեղացնելով շուկայի արձագանքը կենտրոնական բանկի ազդակցությանը: Էմպիրիկ վերլուծությունները բացահայտել են ուղղակի կապ կենտրոնական բանկի անկախության եւ ցածր գնաճի միջեւ (Cukierman A., Central Bank Strategy, Credibility and Independence, Theory and Evidence, MIT press, 1998):

Դրամավարկային քաղաքականության իրականացման առումով կենտրոնական բանկի անկախության երեք աստիճան կա.

Նպատակի անկախություն թիրախի սահմանման անկախություն գործառնական անկախություն

Նպատակի անկախությունը (նպատակի սահմանումը) անկախության ամենաբարձր աստիճանն է, որը շնորհիվ է, օրինակ, ԱՄՆ Դաշնային պահուստային համակարգին: Սակայն, հիմնվելով տնտեսական քաղաքականության առաջնահերթությունների վրա, Դաշնային պահուստային համակարգը կարող է փոխել նպատակը: Հայաստանի դեպքում Կենտրոնական Բանկին չի տրվում անկախության այդպիսի աստիճան. Կենտրոնական Բանկի հիմնական նպատակը սահմանված է Հայաստանի Հանրապետության Սահմանադրությամբ եւ Կենտրոնական Բանկի մասին օրենքով: Հայաստանում թիրախային ցուցանիշի սահմանման անկախությունը նախատեսված է Բյուջեի մասին օրենքով: Գործառնական անկախությունը ենթադրում է, որ կենտրոնական բանկը կարող է անկախ օգտագործել իր գործիքները՝ վերջնական նպատակին հասնելու համար: Հայաստանի Կենտրոնական Բանկն ունի գործառնական անկախություն, եւ դա շնորհիվ է բոլոր երկրների կենտրոնական բանկերին: Օրինակ՝ ԱՆԳԻՅԱԻ Բանկը, որը մինչեւ 1998 թվականը գործիքների օգտագործման անկախություն չուներ, եւ միջամտելու իրավասություն տրված էր գործադիր իշխանությանը:

ՀՀ Կենտրոնական բանկ

ԼՈՒՐ ԿԱԴՐ

Լուսանկարը՝ shamshyan.com-ի



Դավթաշենից Ջովուկի տանող մոտ 400 մետր ճանապարհին առաջացած փոսերի պատճառով շտապօգնությունը բուժառուին է հասնում 1 ժամ ուշացումով:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ  
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:  
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+1 + 4 +8 + 13
☀	Կոտայքի լեռներ	+1 + 4 +9 + 12
☀	Կոտայքի նախալեռներ	+6 + 9 +14 + 17
☀	Գեղարքունիք	0 + 4 +8 + 12
☀	Լոռի	+4 + 7 +12 + 15
☀	Տավուշ	+5 + 8 +13 + 16
☀	Արագածոտնի լեռներ	0 + 3 +8 + 11
☀	Արագածոտնի նախալեռներ	+5 + 10 +14 + 18

☀	Արարատ	+8 + 10 +17 + 20
☀	Արմավիր	+9 + 11 +19 + 21
☀	Վայոց ձորի լեռներ	+1 + 4 +9 + 13
☀	Վայոց ձորի նախալեռներ	+7 + 10 +18 + 21
☀	Սյունիքի լեռներ	+1 + 4 +6 + 9
☀	Սյունիքի նախալեռներ	+4 + 8 +11 + 15
☀	Սյունիքի հովիտներ	+10 + 13 +17 + 21
☀	Երեւան	+8 + 10 +19 + 21

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 07.05.2026  
Տպաքանակ՝ 3968

Գլխավոր խմբագիր՝  
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: